



Caderno da crítica

Cuestionario Proust: Manuel Bragado

[Ramón Nicolás](#), [28 de novembro de 2013](#)

<https://cadernodacritica.wordpress.com/2013/11/28/cuestionario-proust-manuel-bragado/>

1.– Principal trazo do seu carácter?

– A paciencia, aínda que tamén a perdo.

2.– Que calidade aprecia máis nas persoas?

– A vontade e a tenrura.

3.– Que agarda das súas amizades?

– A sinceridade e a lealdade.

4.– A súa principal eiva?

– A dispersión, quizais por pretender facer máis do que o tempo permite.

5.– A súa ocupación favorita?

– Ler e escribir.

6.– O seu ideal de felicidade?

– Viaxar polo mundo coa miña muller e a miña filla.

7.– Cal sería a súa maior desgraza?

– Perdela.

8.– Que lle gustaría ser?

– Síntome un privilexiado por realizar o traballo de editor.

9.– En que país desexaría vivir?

– No que teño a fortuna de vivir.

10.– A súa cor favorita?

– Azul celeste.

11. – A flor que máis lle gusta?

– A camelia.

12.– O paxaro que prefire?

– A andoriña.

13.– A súa devoción na prosa?

-Ademais dos narradores e narradoras que edito, Rafael Dieste, Carlos Casares, Anxo Rei Ballesteros, Nélida Piñón, Bernardo Atxaga, Julio Cortázar, Ian McEwan, Margaret Atwood, Tabucchi, Jean Echenoz, Thomas Bernhard, Enrique Vila-Matas, Eduardo Mendoza, Isaac Rosa, Rafael Chirbes e moitos e moitas máis...

14.– E na poesía?

– Federico García Lorca, Ramiro Fonte, Antonio Gamoneda, Ángel Valente...

15. Un libro?

– Nunca hai un só libro. Marcáronme moito algúns dos que lin na adolescencia e que sei non

revisitarei. Ao longo da vida cada lector percorre un camiño de lecturas único e irrepetible. O último libro que me entusiasmou foi *O libro das horas* de Nélica Piñón.

16.– Un heroe de ficción?

– Un dos moitos detectives literarios que admirei.

17.– Unha heroína?

– Hélène Jans, a protagonista de *Herba moura* de Teresa Moure.

18.– A súa música favorita?

– Gosto da MPB, conta con xenios como Paulinho da Viola ou Antònio Carlos Jobim.

19.– Na pintura?

– Aposto pola plástica galega, Colmeiro, Antón Pulido, Menchu Lamas, Antón Patiño, Antón Sobral, Guillermo Monroy, Xosé Freixanes, Fino Lorenzo ...

20.– Un heroe ou heroína na vida real?

– Os heroes anónimos, como o persoal educativo e sanitario ou todas as persoas que se ocupan dos coidados persoais a outros seres humanos.

21.– O seu nome favorito?

– María.

22.– Que hábito alleo non soporta?

– Respecto os hábitos doutras persoas, aínda que non soporto os comportamentos que supoñan abuso.

23.– O que máis odia?

– Incomódame a intransixencia e o fanatismo.

24.– A figura histórica que máis despreza?

– A de todos os ditadores.

25.– Un feito militar que admire?

– Creo que ningún.

26.– Que don natural lle gustaría ter?

– O don de linguas, do que carezo.

27.– De que maneira lle gustaría morrer?

– Consciente e acompañado polas persoas que me queren.

28.– Cal é o seu estado de ánimo máis habitual?

– Esperanzado.

29.– Que defectos lle inspiran máis indulxencia?

– Esa vaidade “tan humana”.

30.– Un lema na súa vida?

– “Aposta pola hipótese máis favorable en cada momento.”